

La tabaccara

Canto tradizionale salentino a tempo di valzer, con strofe dedicate alle lavoratrici del tabacco

Sta sonanu le sette,
tutte allu magazzinu:
cu lu scarpinu lucitu,
lu solitu passettinu.

Oilà, oilà, oilà,
vota ca gira la tabaccà.
E alle sette e dieci

è sciuta l'operaia:
se vota lu portinaru
ca è già passatu l'orariu.

Oilà...

Ci 'zzamu moi de notte
cujimu lu tabaccu:
tuttu lu giurnu nfilamu
senza guadagnamu na lira.

Oilà...

Ci ete sta maestra
mo de stu magazzinu?
Cacciatila ddhra fore,
vascia coja petrusinu.

Oilà, oi...

Ci ete sta maestra,
risponde lu Garzia
mandatila dha fore,
vascia coja cignu e lissia
oilà oilà oilà
vota ca gira la tabacca'.

Oilà, oi...